

Izveštaj o radu Uprave policije MUP-a Kantona Sarajevo za period januar-juni 2020. godine

KRIMINALITET

STATISTIČKI POKAZATELJI

U periodu januar - juni 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 2.135 događaja sa obilježjem krivičnog djela (što je 261 ili 13,9% više u odnosu na period januar – juni 2019. godine).

Od ukupnog broja registrovanih događaja sa obilježjem krivičnog djela, 947 ili 44,4% je evidentirano po poznatom izvršiocu, a 1.188 ili 55,6% po nepoznatom izvršiocu.

Od ukupno 1.188 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 347 ili 29,2% (što je za 9,5% manje u odnosu na uporedni period).

U izvještajnom periodu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 1.229 obavijesti (117 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U PERIODU JANUAR- JUNI 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR -JUNI 2020. GODINE	2.135	947	1.188	347	181	1.154	22	677	461
JANUAR -JUNI 2019. GODINE	1.874	895	979	379	182	1.167	28	718	560
<i>uporedba</i>	<i>261</i>	<i>52</i>	<i>209</i>	<i>-32</i>	<i>-1</i>	<i>-13</i>	<i>-6</i>	<i>-41</i>	<i>-99</i>
	<i>13,9%</i>	<i>5,8%</i>	<i>21,3%</i>	<i>-8,4%</i>	<i>-0,5%</i>	<i>-1,1%</i>	<i>21,4%</i>	<i>-5,7%</i>	<i>-17,7%</i>

U prvih šest mjeseci ove godine prijavljena su 1.154 lica (13 manje), 677 povratnika (41 manje) (ili 58,7% od ukupnog broja prijavljenih lica), 22 maloljetnika (šest manjše), a 461 lice je lišeno slobode (99 manje).

Za događaje sa obilježjem krivičnog djela, koji su evidentirani u izvještajnom periodu, prema izjavama oštećenih lica, nastupila je materijalna šteta u ukupnom iznosu od 4.924.715,31 KM i 7.600 €.

KZ FBiH-a i KZ BiH-a	JANUAR - JUNI 2020. GODINE	JANUAR - JUNI 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	92	86	6	7%	81	11	6	54,5%
Protiv slobode i prava čovjeka i građanina	83	74	9	12,2%	76	7	4	57,1%
Protiv spolne slobode i morala	8	8	0	isto	7	1	1	100%
Protiv braka, porodice i mladeži	114	128	-14	-10,9%	114	0	0	---
Protiv zdravlja ljudi	228	254	-26	-10,2%	228	0	0	---
Protiv privrede, poslovanja i sigurnosti platnog prometa	3	5	-2	-40%	3	0	0	---
Protiv imovine	1.307	1.111	196	17,6%	170	1.137	330	29%
Protiv okoliša, poljoprivrede i prirodnih dobara	3	2	1	50%	1	2	0	0%
Protiv opće sigurnosti ljudi i imovine	48	51	-3	-5,9%	26	22	2	9,1%
Protiv sigurnosti javnog prometa	44	39	5	12,8%	44	0	0	---
Protiv pravosuđa	3	7	-4	-57,1%	3	0	1	---
Protiv javnog reda i pravnog prometa	140	65	75	115,4%	132	8	3	37,5%
Protiv podmićivanja i krivična djela protiv službene i druge odgovorne funkcije	29	11	18	163,6%	29	0	0	---
Protiv sistema elektronske obrade podataka	0	2	-2	---	0	0	0	---
Protiv čovječnosti i vrijednosti zaštićenih međunarodnim pravom (KZ BiH)	1	0	1	---	1	0	0	---
Protiv privrede i jedinstva tržišta te krivična djela iz oblasti carina (KZBiH)	0	4	-4	----	0	0	0	---
Zakon o nabavljanju, držanju i nošenju oružja i municije (Sl.novine Kantona Sarajevo br. 01/18)	32	27	5	18,5%	32	0	0	---
UKUPNO	2.135	1.874	261	13,9%	947	1.188	347	29,2%

U periodu januar - juni 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 261 ili 13,9%. Najznačajnije povećanje zabilježeno je u oblastima protiv imovine (za 196 događaja), javnog reda i pravnog prometa (za 75), „protiv podmićivanja“ (za 18), slobode i prava čovjeka i građanina (za devet), itd., dok je smanjenje evidentirano u oblastima protiv zdravlja ljudi (za 26 događaja), braka, porodice i mladeži (za 14), pravosuđa (za četiri), itd.

U prvom polugodištu 2020. godine za 402 službena izvještaja, od strane Kantonalnog tužilaštva, donesena je naredba o obustavi i neprovođenju istrage (534 ili 57,1% manje u odnosu na uporedni period).

PREGLED DOGAĐAJA SA OBIJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U periodu januar - juni 2020. godine evidentirana su 92 događaja sa obilježjem krivičnog djela iz oblasti protiv života i tijela (šest više u odnosu na uporedni period) i to 81 po poznatom i 11 po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - tri (dva manje),
- ubistvo u pokušaju (član 166. KZ FBiH u vezi člana 28.) - devet (osam više),
- ubistvo u podstrekavanju (član 166. KZ FBiH u vezi člana 32.) - jedan (nije bilo ovih događaja),
- ubistvo u pomaganju (član 166. KZ FBiH u vezi člana 33.) - jedan (nije bilo ovih događaja),
- teška tjelesna ozljeda (član 172. KZ FBiH) - 23 (tri manje),
- lahka tjelesna ozljeda (član 173. KZ FBiH) - 54 događaj (jedan više) i
- učestvovanje u tuči (član 174. KZ FBiH) - jedan događaj (isto)

Nadležnom tužilaštvu podneseni su službeni izvještaji protiv 86 lica, od koji je 46 povratnika ili 53,51%, a 25 je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 83 događaja sa obilježjem krivičnog djela (devet više) i to: ugrožavanje sigurnosti – 74, narušavanje nepovredivosti doma i protupravno lišenje slobode - po tri, neovlašteno optičko snimanje - dva i otmica u pokušaju – jedan događaj, za čije je izvršenje evidentirano 79 lica, od kojih je 48 povratnika (ili 60,7%), a 15 je lišeno slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA UGROŽAVANJE SIGURNOSTI IZ ČLANA 183. KZ FBiH-a PO MJESECIMA U PERIODU JANUAR – JUNI 2020/19. GODINE

ugrožavanje sigurnosti (član 183. KZ FBiH-a)	januar	februar	mart	april	maj	juni	januar – juni 2020/19. godine
januar – juni 2020. godina	18	9	11	11	11	14	74
januar – juni 2019. godina	10	5	16	13	12	13	69
<i>uporedba (+,-)</i>	8	4	-5	-2	-2	1	4

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je osam događaja (isti broj) i to: silovanje i bludne radnje – po tri i spolni odnošaj s djetetom – dva događaja, za čije izvršenje je prijavljeno osam lica, a četiri su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 114 događaja sa obilježjem krivičnog djela (14 manje) i to: nasilje u porodici - 112, izbjegavanje izdržavanja i nasilje u porodici u saučiniteljstvu – po jedan događaj, a prijavljeno 112 lica, od kojih su 62 povratnika (ili 55,4%) i 58 lica je lišeno slobode.

Broj događaja sa obilježjem krivičnog djela nasilje u porodici smanjen je u odnosu na uporedni period za 13 ili 10,4%.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA NASILJA U PORODICI IZ ČLANA 222. KZ FBiH-a PO MJESECIMA U PERIODU JANUAR – JUNI 2020/19. GODINE

nasilje u porodici (član 222. KZ FBiH-a)	januar	februar	mart	april	maj	juni	januar – juni 2020/19. godine
januar – juni 2020. godina	13	16	18	24	21	20	112
januar – juni 2019. godina	24	20	17	24	19	21	125
<i>uporedba (+,-)</i>	-11	-4	1	0	2	-1	-13

PROTIV ZDRAVLJA LJUDI

Evidentirano je 228 događaja sa obilježjem krivičnog djela iz oblasti protiv zdravlja ljudi (26 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – 14,
- posjedovanje i omogućavanje uživanja opojnih droga (čl. 239. KZ FBiH) – 213,
- prenošenje zarazne bolesti (čl. 223. KZ FBiH) – jedan događaj.

Nadležnom tužilaštvu podneseni su službeni izvještaji protiv 232 lica, među kojima je 136 povratnika (ili 58,6%), a 105 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv 16 lica zbog postojanja osnova sumnje da je u proteklom periodu u više navrata kupovali opojnu drogu "Marihuana", "Amfetamin", „Heroin“ od od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 215 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Extazy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U PERIODU JANUAR - JUNI 2020/19. GODINE

VRSTA OPOJNE DROGE	JANUAR - JUNI 2020. GODINE	JANUAR - JUNI 2019. GODINE
Marihuana (grama)	10.571,27	132,55
Marihuana (komada)	304	105
Heroin (komada)	25	31
Heroin (grama)	85,82	---
Amfetamin (komada)	66	91
Amfetamin (u gramima)	299,35	1.802
Kokain (grama)	5	---
Extazy (komada)	72	96
Extazy (u gramima)	11,94	---
Speed (grama)	58,29	---
Cannabis – sjemenke (komada)	50	---
Cannabis - stabljika (komada)	155	---
pribor sa ostacima droge (komada)	23	22

PROTIV IMOVINE

U ovom periodu, evidentirano je 1.307 događaja sa obilježjem krivičnog djela protiv imovine (170 po poznatom i 1.137 po nepoznatom izvršiocu) što je za 196 ili 17,6% više u odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 650 (76 više),
- krađa (član 286. KZ FBiH) – 334 (169 više),
- razbojništvo (član 289. KZ FBiH) – 163 (62 manje),
- oštećenje tuđe stvari (član 293. KZ FBiH) – 65 (osam više),
- teška krađa u pokušaju (član 287. KZ FBiH u vezi člana 28.) – 23 (šest više),
- utaja (član 290. KZ FBiH) – 18 (dva manje),
- prijevarama (član 294. KZ FBiH) - 13 (četiri manje), itd.

Nadležnom tužilaštvu podneseni su službeni izvještaji protiv 330 lica, od kojih je 241 povratnik (ili 73%), a 144 su lišena slobode.

Od ukupno 1.137 događaja evidentiranih po nepoznatom izvršiocu iz oblasti protiv imovine naknadno je rasvijetljeno 330 ili 29% što je za 7,5% manje u odnosu na uporedni period 2019. godine.

U prvom polugodištu ove godine, prema objektima izvršenja teških krađa, 260 je izvršeno u stambene objekte (pet više u odnosu na uporedni period), 167 u poslovne prostorije (65 više), 126 u motorna vozila (otuđenja motornih vozila i “provale” u ista) (36 manje), 60 na ulici (19 više), itd. pri čemu su otuđivana novac, nakit, tehnička roba, motorna vozila, cigarete, prehrambeni proizvodi, građevinski materijal, itd.

Takođe, evidentirano je 41-no otuđenje motornih vozila, a 34 ili 82,9% su pronađena i vraćena vlasnicima (Uprava policije MUP-a KS-a – 19, MUP RS-a – dva, drugi MUP-ovi – jedno i vlasnici su pronašli – 12 vozila).

Broj otuđenih motornih vozila u odnosu na uporedni period znatno je smanjen i to za 60 ili 59,4%.

Evidentirana su 334 događaja sa obilježjem krivičnog djela krađe (169 više) i to: u poslovnim prostorima - 107 puta, na ulici - 104, vozilima i na stajalištima GRAS-a - 79, u stambenim objektima - 38, itd. odakle su otuđivani novčanici, mobiteli, prehrambeni proizvodi, bicikla, auto-dijelovi, itd.

Evidentirana su 62 događaja sa obilježjem krivičnog djela teških krađa na naročito opasan ili naročito drzak način (23 više), u kojima su izvršiocu, upotrebom fizičke snage (otimanjem i trganjem) - 53 puta i verbalnom prijetnjom u devet slučajeva, otimali mobitele, novac, nakit i tašne, a evidentirani su: 48 put na ulici, pet na tramvajskim stajalištima, tri u sportskim kladionicama, itd.

Nadležnom tužilaštvu podneseni su službeni izvještaji protiv 11 lica, od kojih je devet povratnika u činjenju krivičnih djela (ili 81,8%), a pet je lišeno slobode.

U prvom polugodištu ove godine evidentirana su 163 događaja (24 manje) sa obilježjem krivičnog djela razbojništva (11 po poznatom i 152 po nepoznatom izvršiocu).

Nadležnom tužilaštvu podneseni su službeni izvještaji protiv 49 lica, od kojih je 31 povratnika (ili 63,3%), a 23 lica su lišena slobode.

Od ukupno 152 događaja razbojništva evidentiranih po nepoznatom izvršiocu, naknadno je rasvijetljeno 70 ili 46,1% (što je za 6,2% više u odnosu na uporedni period).

Razbojništva su izvršena prijetnjom upotrebe vatrenog oružja - 72 puta, prijetnjom upotrebe noža ili drugog oštrog predmeta – 55 i upotrebom fizičke snage – 36 puta, a počinjena su u poslovnim prostorijama – 68 puta, na ulici – 37, u sportskim kladionicama – 31, u apotekama – 17, na benzinskim pumpama – tri, itd. Otuđivan je novac, mobiteli, cigarete, itd.

Iz ove oblasti evidentirano je 48 događaja (tri manje) i to: - izazivanje opće opasnosti – 35, nesavjesno čuvanje pasa i drugih opasnih životinja – osam, teška krivična djela protiv opće sigurnosti ljudi i imovine – četiri i izazivanje opće opasnosti u podstrekavanju - jedan događaj. Nadležnom tužilaštvu podneseni službeni izvještaji protiv 34 lica, od kojih je 20 povratnika (ili 58,8%), a 16 je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru 31 put, u ugostiteljskom objektu – tri i u stambenom objektu – jednom, pri čemu je 16 puta otvorenim plamenom izazvan požar, u 14 slučaja je upotrijebljeno vatreno oružje, četiri puta je aktivirana nepoznata eksplozivna naprava i u jednom slučaju je na balkon stana bačena nepoznata eksplozivna naprava koja nije eksplodirala. Posljedice navedenih događaja su ranjavanje jednog lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 140 događaja sa obilježjem krivičnog djela (75 više) i to: krivotvorenje isprave – 66, nasilničko ponašanje – 34, napad na službenu osobu u vršenju poslova sigurnosti – 18, nedozvoljeno držanje oružja ili eksplozivnih materija – 12, sprječavanje službene osobe u vršenju službene radnje – pet, skidanje službenog pečata ili znaka i ovjeravanje neistinitog sadržaja – po dva i napad na službenu osobu u vršenju poslova sigurnosti u podstrekavanju – jedan događaja.

Nadležnom tužilaštvu podneseni su službeni izvještaji protiv 136 lica od kojih je 61 povratnik (ili 44,8%), a 46 je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U periodu januar-juni 2020. godine evidentirano je 36 događaja sa obilježjem krivičnog djela, u kojima su učestvovala 22 maloljetna lica. U odnosu na isti period 2019. godine povećan je broj događaja sa obilježjem krivičnog djela za osam ili 28,6%, a broj maloljetnih lica smanjen za šest ili 21,4%. Prijavljeni maloljetnici su u dobi od 14 do 16 godina – devet, od 16 do 18 godina – 13, a 10 je povratnika.

STAROSNA DOB MALOLJETNIH LICA JANUAR - JUNI 2020/2019. GODINA

PERIOD	od 14 do 16 god.	od 16 do 18 god.	ukupno
januar - juni 2020. godina	9	13	22
januar - juni 2019. godina	9	19	28

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku perioda januar - juni 2020. godine na području Kantona Sarajevo evidentirano je šest događaja aktiviranja minsko-eksplozivnih sredstava (isto kao u uporednom) usljed čega je nastupila materijalna šteta. U jednom slučaju identifikovana su tri izvršioca protiv kojih su preduzete zakonske mjere, a nastavljaju se aktivnosti na rasvjetljavanju ostalih slučajeva i pronalaženju izvršilaca.

Evidentirano je 10 anonimnih dojava o postavljenoj eksplozivnoj napravi (devet manje u odnosu na periodu januar - juni 2019. godine). Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju izvršilaca.

POŽARI

U periodu januar –juni 2020. godine, na području Kantona Sarajevo registrovana su 154 požara (42 više), u kojima su dva lica poginula, a osam lica povrijeđeno.

Prema statističkim pokazateljima, 60 požara je izazvano namjerno, 44 nehatom, 12 zbog tehničkih nedostataka, dok uzroci 38 požara spadaju u kategoriju ostalih.

Objekti registrovanih požara bili su:

- Saobraćajno sredstvo – 30 puta,
- Stambeni objekat – 29,
- Šuma – 15,
- Poslovni prostor – 14,
- Pomoćni objekat –osam,
- Magacin – dva,
- Ostali objekti – 56 puta.

Zbog izazivanja požara nadležnom tužilaštvu podneseno je 19 službenih izvještaja: 16 iz člana 323 KZ FBiH (izazivanje opće opasnosti) i tri iz člana 301. KZ FBiH-a (paljevina).

SAMOUBISTVA

Tokom prvog polugodišta 2020. godine na području Kantona Sarajevo registrovano je 14 samoubistava (šest manje), koja su izvršena: upotrebom vatrenog oružja - četiri puta, skokom sa visine - četiri puta, vješanjem - tri puta, upotrebom oštrog predmeta, upotrebom sjekire i konzumiranjem narkotičkih sredstava - po jednom.

Svi izvršioci su muškarci starosne dobi: preko 60 godina - sedam lica, od 30 do 40 - tri, od 40 do 50 – tri i od 50 do 60 godina - jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su 33 pištolja, 18 ručnih bombi, 13 pušaka, 13 noževa, dvije petarde, 1.720 kom. municije raznog kalibra, itd.

U periodu januar - juni ove godine fizičkim licima izdato je 526 odobrenja za nabavku vatrenog oružja i 411 oružnih listova.

JAVNI RED I MIR

U periodu januar - juni 2020. godine u oblasti javnog reda i mira evidentirano je 5.419 prekršaja (3.400 ili 168,4% više u odnosu na isti period 2019. godine), za čije izvršenje je prijavljeno je 5.500 lica (3.367 ili 157,8% više).

Zbog učinjenih prekršaja u oblasti javnog reda i mira izdato je 4.914 naloga i podneseno je 505 zahtjeva za pokretanje prekršajnog postupka.

Na prekršaje utvrđene Zakonom o prekršajima javnog reda i mira odnosi se 5.145 prekršaja (ili 94,9%), a na prekršaje koji su utvrđeni Odlukom općinskih vijeća o javnom redu i miru 274 (ili 5%).

Od ukupnog broja prijavljenih lica, 532 su povratnici u činjenju prekršaja, a prema starosnoj strukturi učinilaca prekršaja, najbrojniji su u dobi preko 36 godina (2.027), između 26 i 35 godina (1.963), između 19 i 25 godina (1.497) i do 18 godina - 13 učinilaca.

Prilikom narušavanja javnog reda i mira u periodu januar – juni 2020. godine, nije bilo teže povrijeđenih lica (kao u istom periodu 2019. godine), dok je 35 lica (28 više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA PERIOD JANUAR – JUNI 2020/2019.GODINE

STRUKTURA PREKRŠAJA	Broj prekršaja		uporedba + - %
	januar-juni 2020.	januar-juni 2019.	
Tuče	132	146	-14 ili 9,6%
Naročito drsko ponašanje	246	157	+89 ili 56,7%
Odbijanje naređenja i omal. pol. sl.	1.608	163	+1.445 ili 886,5%
Svađa, vika, nepriстойno ponašanje	56	56	isti broj
Uživanje opojne droge na j. mjestu	21	4	+17 ili 425%
Neovlaštena upotreba oružja	1	2	-1
Paljenje petardi	4	9	-5 ili 55,5%
Prosjačenje	607	920	-313 ili 34%
Ostali prekršaji iz Zakona o JRiM	2.470	255	+2.215 ili 868,6%
Prekršaji prema odluci općin. vijeća	274	307	-33 ili 10,7%
UKUPNO	5.419	2.019	+3.400 ili 168,4%

Prema vrsti prekršaja, najbrojniji su sljedeći prekršaji: odbijanje naređenja i omalovažavanje policijskih službenika (1.608 ili 29,7% od ukupnog broja), zatim prosjačenje (607 ili 11,2%), naročito drsko ponašanje (246 ili 4,5%), tuče (132 ili 2,4%), svađa, vika, nepriстойno ponašanje (56 ili 1%), uživanje opojne droge na javnom mjestu (21), paljenje petardi (četiri), neovlaštena upotreba oružja (jedan). Takođe, evidentirano je 2.470 prekršaja iz kategorije ostali prekršaji i prekršaji koji su regulisani Odlukom općinskih vijeća - 274.

U odnosu na isti period prethodne godine smanjen je broj prekršaja učinjenih prosjačenjem, tučom, paljenjem petardi, neovlaštenom upotrebom oružja i prekršaji prema Odluci općinskog vijeća o JRiM, dok je znatno povećan broj prekršaja učinjenih odbijanjem naređenja i omalovažavanjem policijskih

službenika, naročito drskim ponašanjem, uživanjem opojne droge na javnom mjestu i prekršaji iz kategorije ostali prekršaji. Broj prekršaja učinjenih svađom, vikom, nepristojnim ponašanjem ostao je isti.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (5.193 ili 95,8% od ukupnog broja), a znatno manje u ugostiteljskim objektima (91 ili 1,7%), u školama i školskim dvorištima (devet), trgovinama i zanatskim radnjama (sedam), u vozilima javnog saobraćaja (tri), sportskim stadionima i dvoranama (jedan), a na ostalim mjestima 115 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA PERIOD JANUAR – JUNI 2020/2019. GODINE

MJESTO IZVRŠENJA	januar-juni 2020.	januar-juni 2019.	+ - %
Ulice i drugi otvoreni prostori	5.193	1.848	+3.345 ili 181%
Ugostiteljski objekti	91	80	+11 ili 13,7%
Sportski stadioni i dvorane	1	7	-6 ili 85,7%
Vozila javnog saobraćaja	3	2	+1 ili 50%
Škole (školska dvorišta)	9	3	+6 ili 200%
Trgovinske i zanatske radnje	7	2	+5 ili 250%
Ostala mjesta	115	77	+38 ili 49,3%
UKUPNO	5.419	2.019	+3.400 ili 168,4%

U odnosu na isti period 2019. godine, znatno je povećan broj prekršaja evidentiranih na ulici i drugim otvorenim prostorima za 3.345 ili 181%, u ugostiteljskim objektima za 11 ili 13,7%, školama i školskim dvorištima za šest ili 200%, trgovinama i zanatskim radnjama za pet ili 250%, u vozilima javnog saobraćaja za jedan ili 50% i na ostalim mjestima za 38 ili 49,3%, dok je smanjen broj prekršaja na sportskim stadionima i dvoranama za šest ili 85,7%.

Na području Kantona Sarajevo u periodu januar-juni 2020. godine održano je 479 javnih skupova (862 ili 64,3% manje u odnosu na isti period 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 84 slučaja izvršeno je KDZ osiguranje.

SAOBRAĆAJ

U periodu januar- juni 2020. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastradalim licima kao i broj povrijeđenih lica, dok je broj poginulih lica povećan.

Registrovane su 3.954 saobraćajne nezgode (302 ili 7,1 manje), od čega 3.618 sa materijalnom štetom (263 ili 6,8 % manje) i 336 sa nastradalim licima (39 ili 10,4 % manje).

U navedenim nezgodama sedam lica je poginulo (jedno ili 16,7 % više), a 424 su povrijeđena (49 ili 10,3 % manje), od čega 46 teže i 378 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JANUAR – JUNI 2020./2019. GODINA

	2020.	2019.	uporedba
--	-------	-------	----------

			+, -	%
UKUPAN BROJ SAOBRAĆAJNIH NEZGODA	3.954	4.256	- 302	-7,1%
SAOBRAĆAJNE NEZGODE SA NASTRADALIM LICIMA	336	375	- 39	- 10,4 %
SAOBRAĆAJNE NEZGODE SA MATERIJALNOM ŠTETOM	3.618	3.881	- 263	- 6,8 %
POGINULO LICA	7	6	+ 1	+ 16,7%
- vozači	5	3	+ 2	+ 66,7 %
- putnici	0	0	----	----
- pješaci	2	3	- 1	- 33,3 %
POVRIJEĐENO LICA	424	473	- 49	-10,3 %
- vozači	232	255	- 23	- 9 %
- putnici	119	117	+ 2	+1,7 %
- pješaci	73	101	- 28	-27,7 %

U naselju je registrovano 3.678 saobraćajnih nezgoda (četiri sa poginulim, 305 sa povrijeđenim licima i 3.369 sa materijalnom štetom), van naselja 276 nezgoda (dvije sa poginulim, 25 sa povrijeđenim licima i 249 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
JANUAR – JUNI 2020. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	4	41	264	3.369	3.678	4	44	346
van naselja	2	2	23	249	276	3	2	32
UKUPNO	6	43	287	3.618	3.954	7	46	378

Prema kategoriji puta, saobraćajne nezgode registrovane su:

- na ulicama u naselju - 2.339 nezgoda (tri lica poginula, 205 lica povrijeđeno),
- na magistralnim putevima - 555 (tri lica poginula, 96 lica povrijeđeno),
- na regionalnim putevima - 315 (32 lica povrijeđena),
- na lokalnim putevima - 152 (18 lica povrijeđeno),
- na putevima koji se ubrajaju u kategoriju ostalih - 593 (jedno lice poginulo, 73 lica povrijeđena).

Prema karakteristikama puta, saobraćajne nezgode registrovane su:

- na raskrsnicama u naselju – 448 (dva lica poginula, 74 lica povrijeđena),
- na raskrsnicama van naselja - 122 (13 lica povrijeđeno),
- na pješačkim prelazima – 44 (17 lica povrijeđeno),
- na mostu – dvije nezgode (jedno lice poginulo, jedno povrijeđeno),
- na putevima koji se ubrajaju u karakteristike ostalih – 3.338 (četiri lica poginula, 319 lica povrijeđeno).

POSLJEDICE SAOBRAĆAJNIH NEZGODA

U toku perioda januar –juni 2020. godine, u saobraćajnim nezgodama na području Kantona Sarajevo nastradalo je ukupno 431. lice (48 ili 10 % manje). Sedam lica je poginulo (jedno ili 16,7 % više), dok su 424 lica povrijeđena (49 ili 10,3 % manje), od čega 46 teže (27 manje) i 378 lakše (22 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
JANUAR –JUNI 2020/2019.GODINA

PERIOD	2020. GODINA			2019. GODINA			UPOREDBA 2020/19. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	5	16	216	3	28	227	+ 2	- 12	- 11
PUTNICI	0	11	108	0	6	111	----	+ 5	- 3
PJEŠACI	2	19	54	3	39	62	- 1	- 20	- 8
UKUPNO	7	46	378	6	73	400	+ 1	- 27	- 22

STEPEN POVREDA UČESNIKA U SAOBRAĆAJNIM NEZGODAMA

- Vozači : 232 vozača povrijeđena (16 teže i 216 lakše),
- Putnici: 119 putnika povrijeđeno (11 teže i 108 lakše),
- Pješaci: 73 pješaka povrijeđena (19 teže i 54 lakše)

Starosna struktura nastradalih lica u saobraćajnim nezgodama je slijedeća:

- Ispod 6 godina – 11 lica,
- od 6 do 14 godina – 19,
- od 15 do 17 godina – 13,
- od 18 do 20 godina – 21,
- od 21 do 24 godina - 55,
- od 25 do 30 godina – 70,
- od 31 do 40 godina – 72,
- od 41 do 50 godina - 77,
- od 51 do 65 godina – 51,
- 66 i više godina - 28,
- Nepoznata starosna dob – 14 lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – 29 lica,
- od 23 do 30 godina – 58,
- od 30 do 40 godina – 56,
- od 40 do 50 godina – 51,
- od 50 do 60 godina – 25 lica,
- 60 i više godina – 15,
- Nepoznata starosna dob – tri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 3.309 (sedam lica poginulo, 305 lica povrijeđeno),
- neprilagođena brzina - 620 (114 lica povrijeđeno),
- uticaj alkohola -24 (pet lica povrijeđeno),
- umor - jedna saobraćajna nezgoda (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 100.000 vozila (7.199 ili 6,7% manje).

Zbog kršenja propisa iz oblasti sigurnosti saobraćaja uručen je 105.531 prekršajni nalog vozačima (1.374 ili 1,3% više), podneseno 1.745 zahtjeva za pokretanje prekršajnog postupka (1.324 ili 314,5% više) i registrovana 44 krivična djela zbog ugrožavanja sigurnosti saobraćaja (pet ili 12,8% više).

Zbog tehničke neispravnosti, iz saobraćaja je isključeno 178 vozila (72 ili 28,8 % manje), 1.397 vozača je zatečeno da upravljaju vozilom pod dejstvom alkohola (jedan ili 0,1 % više), 2.507 bez korištenja sigurnosnog pojasa (956 ili 61,6 % više), 1.215 bez položenog vozačkog ispita (398 ili 48,7 % više), 382 pod izrečenom zaštitnom mjerom (80 ili 26,5 % više), 1.891 vozač je zatečen da koristi mobitel tokom vožnje (81 ili 4,5 % više), a 5.714 vozila je otkriveno da učestvuju u saobraćaju bez važeće registracije (2.352 ili 69,9 % više).

MIRUJUĆI SAOBRAĆAJ I KONTROLA PJEŠAKA

Tokom prvog polugodišta 2020. godine, pripadnici Uprave policije su uručili 37.169 prekršajnih naloga vozačima koji nisu poštivali saobraćajne propise prilikom parkiranja (3.234 manje u odnosu na isti period prošle godine), upozorili 1.529 vozača (204 manje), a specijalnim vozilom „pauk“ premjestili su 1.387 vozila (470 više).

Takođe, pješacima koji su kršili saobraćajne propise uručeno je 805 prekršajnih naloga (558 manje), a upozoreno je 396 pješaka (117 više).

ZAKONITOST U RADU

U periodu januar- juni 2020. godine registrovan je 21 napad (13 više) na policijske službenike MUP-a Kantona Sarajevo: 19 pojedinačnih i dva grupna napada. Napadači su u 15 slučajeva koristili fizičku snagu, a u šest slučajeva oruđa i druge predmete.

Policijski službenici Uprave policije su tokom izvještajnog perioda u 26 slučajeva (pet više) opravdano upotrijebili silu :

- Fizičku snagu i sredstva za vezivanje – 21 put
- Fizičku snagu – pet puta

Tokom prvog polugodišta 2020. godine, razmatrano je 179 predavki na rad policijskih službenika. Nakon razmatranih predavki Odbor za žalbe građana Skupštine Kantona Sarajevo donio je zaključak da se za 67 predavki (20 više) provede unutrašnja istraga, za 58 predavki je odlučeno da se izvrše

provjere i prikupi dokumentacija, za 48 da su neosnovane, za pet da su nenadležni, dok je u jednom slučaju predmet pripojen već otvorenoj unutrašnjoj istrazi.

Od ukupno 179 razmatranih predstavki, 148 je podneseno od strane građana, dok 31. predstavka predstavlja saznanja iz službe.

Okončano je 76 unutrašnjih istraga među kojima je 27 bilo bez dovoljno dokaza, 20 je neosnovanih, 16 je osnovanih, devet je zaključeno ocjenom oslobađajuća, u dva slučaja stranka je odustala od žalbe, dok je u dva slučaja istraga obustavljena.

RAD POLICIJE U ZAJEDNICI

U okviru Rada policije u zajednici u prvom polugodištu 2020. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost svih građana Kantona Sarajevo.

U izvještajnom periodu realizovane su slijedeće aktivnosti:

- Koordinirane su aktivnosti na provođenju planiranih mjera oko realizacije projekta iniciranog od strane NVO „PH –international“ (Socijalizacija s pravom-PSP),
- Nastavljene su aktivnosti na realizaciji projekta „Lopov uvijek bude otkriven“,
- Na osnovu memoranduma o razumijevanju, stručnoj saradnji i uzajamnoj podršci u istraživanjima u oblasti sigurnosti, potpisanom između Fakulteta političkih nauka u Sarajevu i Uprave policije MUP-a KS, organizovana je specijalistička obuka za ciljne grupe policijskih službenika na temu „Savremene strateške metode u funkcionisanju i radu policije sa zajednicom“,
- Sačinjena je i Sektoru kriminalističke policije na nadležno postupanje dostavljena informacija u vezi implementacije Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom 2017.-2019. Godina,
- Nastavljene su aktivnosti na realizaciji projekta „Uklanjanje grafita – Zona bez grafita“.
- Izvršeno pridruživanje „on-line“ radionici za djecu na temu „Psi koji rade“, u organizaciji NVO „Dogs Trust BiH Representative Office in BiH“,
- Održana je manifestacija „Auto Show“, u okviru „Akcije za bezbjednost na putevima BiH“, koju na osnovu Rezolucije UN-a iz 2010. godine kontinirano provodi Svjetska automobilistička organizacija. Posjetiocima manifestacije su istovremeno, povodom 26. juna, Međunarodnog dana borbe protiv zloupotrebe opojnih droga, ispred BBI Centra dijeljeni flajeri i brošure na temu borbe protiv zloupotrebe opojnih droga,
- Organizovana je dvodnevna akcija dobrovoljnog darivanja krvi uposlenika MUP-a Kantona Sarajevo,

U ovom periodu, a u skladu sa Naredbom Kriznog štaba Ministarstva zdravstva Kantona Sarajevo, zbog pandemije „Koronavirusa“ obustavljena je redovna nastava u osnovnim, srednjim i visokoškolskim obrazovnim ustanovama u Kantonu Sarajevo, te su aktivnosti policajaca u zajednici bile usmjerene u skladu sa novonastalom situacijom. S tim u vezi preduzimane su slijedeće aktivnosti:

- Kontinuirano je vršen obilazak vjerskih bogomolja zbog vjerskih praznika (Uskrs, Vaskrs, mjesec Ramazana, Bajram), kojom prilikom su ostvareni brojni kontakti sa vjerskim službenicima u vezi pandemije, a u cilju prevencije širenja zaraze.
- Vršen obilazak JU „Dom zdravlja Kantona Sarajevo“ pri čemu je posebna pažnja data obilasku trijažnih punktova i kontakta sa dežurnim medicinskim osobljem povodom pandemije, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.
- Vršen obilazak lica kojima je od strane Kantonalne uprave za inpekcijske poslove izrečena mjera ograničenog kretanja, itd.

○

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 2.300 migranata.

U periodu januar - juni 2020. godine migranti su učestovali u 75 događaja sa obilježjem krivičnog djela i to:

- ubistvo u pokušaju (čl. 166/28 KZ FBiH) – četiri,
- teška tjelesna ozljeda (čl. 172 KZ FBiH) – pet,
- lahka tjelesna ozljeda (čl. 173 KZ FBiH) – pet,
- učestvovanje u tuči (čl. 174 KZ FBiH) – jedan,
- bludne radnje (čl. 208. KZ FBiH) – dva,
- nasilje u porodici (čl.222. KZ FBiH) – jedan,
- posjedovanje i omogućavanje uživanja opojnih droga (čl.239 KZ FBiH-a) – sedam,
- krađa (čl. 286 KZ FBiH) – osam,
- teška krađa (čl. 287 KZ FBiH) – 12,
- teška krađa u pokušaju (čl. 287. u vezi člana 28. KZ FBiH) – dva,
- razbojništvo (čl. 289 KZ FBiH) – 13,
- oštećenje tuđe stvari (čl. 293. KZ FBiH-a) – šest,
- napad na službenu osobu u vršenju poslova sigurnosti (čl.359 KZ FBiH) - dva
- nasilničko ponašanja (čl. 362 KZ FBiH-a) – tri,
- krivotvorenje isprave (čl. 373 KZ FBiH) – jedan,
- krijumčarenje osoba (čl.189 KZ BiH) – tri (u nadležnosti SIPA-e, odnosno Tužilaštva BiH),

Zbog postojanje osnova sumnje da su učestvovali u izvršenju navedenih događaja policijski službenici Uprave policije MUP-a Kantona Sarajevo lišili su slobode 40 migranata, 17 je predato u nadležnost Kantonalnog tužilaštva Kantona sarajevo, a 27 je predato Službi za poslove sa strancima.

U izvještajnom periodu, policijski službenici kontrolisali su 3.409 migranata, od čega 1.623 nisu posjedovali registrovani obrazac, 153 su upućena službi za poslove sa strancima radi registracije, 141 je

predat službi za poslove sa strancima, 2.770 migranata je smješteno u imigracione centre i nad 30 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 124 akcije) na području Kantona Sarajevo, u periodu januar - juni 2020. godine, policijski službenici Uprave policije MUP-a Kantona Sarajevo pronašli su ukupno 1.170 migranata.

Sarajevo, 16.07.2020. godine

Odjeljenje za odnose s javnošću